

風

角

書

風角書卷之四

濟陽張爾岐蒿菴著

開州李若琳洪箕甫校訂
安康張鵬翔補山氏重刊

八風占法

京房八風占

八方暴風起則占或
不當其時且暴也

北方坎風名曰廣莫風主冬至後四十五日四時暴風起北方
主盜賊起天下兵動令人病濕帶下不起居坎爲水主盜賊
東北方艮風名曰條風主立春後四十五日四時暴風起東北
方鬼行人道爲旱疫令人病洩變容立春之交萬物變改艮
爲鬼門

東方震風名曰明庶風。主春分後四十五日。四時暴風起東方。人流盜起。旱蝗年饑。令人病變。卽四肢不動。搖震爲木。木情曰歲星。主稼穡。此下疑有闕文

東南方巽風名曰清明風。主立夏後四十五日。四時暴風起東南方。人多病洩痢。乳婦暴死。巽爲風。風者百病之長。又爲長女。南方離風名曰景風。主夏至後四十五日。四時暴風起南方。有火災。來年旱。人多病熱死。生瘡。目盲。離爲火。爲目。

西南方坤風名曰涼風。主立秋後四十五日。四時暴風起西南方。天下兵動。坤爲土。爲民。爲眾。上動眾亂也。日月失色。陽衰。

故日月失色。又令人食不入口。病腰脊腫。

西方兌風。名曰闐闐風。主秋分後四十五日。四時暴風起西方。主秋早。早霜。又曰。物不成。天下兵動。兌爲金。金精太白。主兵。又人多病瘡癰。日月蝕。

西北方乾風。又曰不周風。主冬至後四十五日。四時暴風起西北方。有盜賊相攻。年饑。人流亡。乾爲金。爲寒。金主殺伐。寒則傷物。又曰。有神不起。日月失色。地動。人多病。疽癰。惡瘡。疫死。喪。右八方暴風。但風起其方。卽依上占。京房曰。八方風候。及八卦風氣。春白。夏黑。秋赤。冬黃。皆爲下逆上。兵革動。各隨。

其部日辰占之。凡八風發屋折木飛沙走石三日不用。則占風爲陽雨爲陰。陽怒得陰卽解。故風怒得雨而息。亢極受制。惡以善成。不但暴風。風逆亦可占之。

歲首占風

正月朔旦風。南來大旱。西南來小旱。西來有兵。西北來有北兵。胡豆成。北來爲中歲。東北來爲上歲。東來大水。東南來人病歲惡。八方各以其衝對。多勝少。疾勝徐。從旦至食時爲麥。食時至日昃爲稷。日昃至晡時爲黍。晡時至下晡爲菽。下晡至日沒爲麻。

風從北來宜客。南來宜主。占。西來宜客。東來宜主。西北來宜客。東南來宜主。西南來有謀不成。東北來主客俱不利。以上微風卽占

若風冷熱異常或暴急昏濁。又當以八卦暴風占之。從乾來有憂兵。坎來有大水。艮來人疾疫。又蝗蟲。震來陽氣干歲大旱。有喪。巽來多風傷五穀。離來歲旱大熱多火災。坤來有疾疫。道上多死人。兌來有爭兵。八節風占

立春正月節其日晴明少雲年收陰則旱蟲傷禾豆。風從乾

來。暴霜殺物。穀稗貴。坎來。冬大興。北兵內侵。艮來。禾豆
熟。震來。多暴雷。氣洩。物不成。巽來。多風蟲。離來。旱傷
物。坤來。春旱。六月大水。愁兵起。土功興。兌來。早霜。兵起。
疫疾。

春分二月中。其日東方。

一作東南方。

有青雲。年收。晴明。萬物不成。

風從乾來。年多寒。金鐵倍貴。應在四十五日內。又曰。民饑多
災。坎來。豆菽不成。民飢寒。艮來。夏不熱。米貴一倍。山水
暴出。震來。年收穀成。無盜賊。巽來。蟲生。四月多暴寒雨。
離來。五月先水後旱。坤來。小水。人多瘡痍。兌來。春寒。

八月國有憂。有兵。小麥貴。

立夏四月節。其日南方有赤雲。年收。晴明則旱。風從乾來。其

年凶飢。夏霜。麥不刈。坎來。地動。人疾。多雨水。魚行人道。

艮來。山崩。地動。人疫。震來。雷不時擊物。巽來。其年大收。

離來。夏旱禾焦。坤來。萬物夭傷。兌來。蝗蟲大作。又曰兵起

人不
安

夏至五月中。其日南方有赤氣。則收。晴明則旱。風從乾來。寒

傷萬物。坎來。寒暑不時。夏月多寒。艮來。山水暴出。又曰。

泉湧山崩。震來。八月人多病。巽來。九月大風落草木。

離來。五穀收。坤來。六月雨水橫流。兌來。秋多雨霜。

立秋七月節。其日有白雲及小雨則吉。清明則物不成。風從

乾來。甚寒。多雨。坎來。多瘧疾。冬陰雪寒。艮來。秋風不和。

五穀不收。米貴。震來。多秋雨。人不和。草木再榮。巽來。內

兵倖起。離來。兵戎不利。多旱。坤來。五穀收。兌來。兵起。

將興。秋多雨。

秋分八月中。其日西方有白雲則吉。清明物不成。風起乾來。

盜起。人多相掠。坎來。苦寒。艮來。十二月每多陰寒。震

來。人疾。百花一作花不實。巽來。十月多風。離來。兵動國南。

七百里。坤來。土功興。民夏。兌來。五穀大收。

立冬十月節。其日晴明。小寒。人君吉。天下喜。風從乾來。君令行。天下安。坎來。多雪。殺走獸。艮來。地氣洩。人多病。震來。人不安。居多寒。巽來。多溫。明年大旱。民去其鄉。離來。明年五月大疫。坤來。水泛溢。魚鹽倍多。兌來。妖言爲幻。兵在山澤。

冬至十一月中。其日有雲雪。明年大收。晴明物不成。風從乾來。強國有憂。夏多寒。坎來。年美。人安。艮來。正月多陰雨。震來。雷不發。大雨併至。巽來。百蟲害物。離來。多溫。乳。

母多死。水旱不時。米貴人疫。坤來。蟲傷苗。多水。人不安。
兌來。秋雨多。兵起。人愁。

八逆風占

立夏。巽卦。主風從乾來。爲一逆。小凶。

立春。艮卦。主風從坤來。爲二逆。兵起。人大愁。

立秋。坤卦。主風從艮來。爲三逆。穀不成。

立冬。乾卦。主風從巽來。爲四逆。人去其鄉。

秋分。兌卦。主風從震來。爲五逆。帶刀入市。

冬至。兌卦。主風從離來。爲六逆。人民潰散。

夏至離卦主風從坎來。爲七逆。臣下爲亂。

春分震卦主風從兌來。爲八逆。殿上有刺客。

以上八逆風。若帶刑殺昏黑寒慘。日色白濁者大凶。

三辰八角風占

申子辰日艮辱 震殺 巽反 離吉 坤抵 兌誣 乾忿

坎爭

巳酉丑日巽辱 離殺 坤反 兌吉 乾抵 坎誣 艮忿

震爭

亥卯未日乾辱 坎殺 艮反 震吉 巽抵 離誣 坤忿

兌爭

寅午戌日坤辱

兌殺

乾反

坎吉

艮抵

震誕

巽命

離爭

凡風從辱上來。國家有耻辱事。從殺上來。有暴相殺。有篡逆。叛殺事。若行道逢之。有相殺之人來過。從反上來。有反逆不順之事。從吉上來。有喜慶事。行道逢之。有賢人君子相見。酒食宴樂。從抵上來。有非禮抵觸事。王相貴人相冲。休廢庶人囚死罪人相連。從誕上來。有妄誕之人相欺。從忿上來。有非禮忿爭之事。從爭上來。有奸人來爭財物。及格鬥等事。事起之中

亦可用
上占

八卦王相例附

立春艮王。震相。巽胎。離沒。坤死。兌囚。乾休。坎廢。
春分震王。巽相。離胎。坤沒。兌死。乾囚。坎休。艮廢。

立夏巽王。夏至離王。立秋坤王。秋分兌王。立冬乾

王。冬至坎王。餘依次第推之。倣此。

八風形狀加方占

入風不作陣勢氣味不甚掀大。五風間或有。八風時常有。
乾風悠悠揚揚不疾不徐。巽風平蕩悠長順吹不歇。兌風。

細細襲人條理不亂

坎風尖削險怪撮聚成旋

離風明

爽和緩若斷若續

艮風剛大激烈吹物上冲

震風冲大

渙散頤而復起

坤風長大包含遍野散漫

乾風來乾吳方國政理

離方火焚宮

坤方兵眾求糧賞

坎風來乾方民求賑濟

兌方姦宄成風

離方民災兵起

震方謀立王侯

巽方年收

坎方陰謀干上

艮方兵亂

坤方盜起

艮風來乾方外夷入貢

兌方外國來婚

離方旱災

巽方

百穀不成

坎方水旱相仍

坤艮方旱荒米貴

震風來乾震方。嗣君登位。坤艮離方。王道興。天下平。

巽風來兌方。蝗生穀傷。離方火焚內宮。震方蠻夷猾夏。

離風來乾方。北兵犯闕。離方火焚宮。震方年旱火災。坎

方妖邪陰謀。

坤風來離方。大旱。坎方后宮陰謀。艮方內亂。

兌風來離方。宮中火。坎方內侍陰謀。坤方外夷重譯。

四時八風占既順時令
復占寒爰

春正月條風。二月明庶風。三月清明風。和順時寒。主水熱傷禾。
民疫。

夏至景風和順。時寒。兵水災。人疫。

秋七月涼風。八月闐闐風。九月不周風涼。吉。熱。來年災旱。疫。則兵起。人疾。

冬至廣莫風。寒。年收。雩。水起。人災。萬物不成。

乙巳畧例八節風占

立春艮兌巽

春分震坤乾

風去地尺餘。排樹枝小有聲。不動塵黃白雲遍天。天氣清明。是謂景風。應木之氣。則節令調和。忠臣在位。萬物成熟。年美人安。若夾小雨。則百果不實。

立夏與兌艮

夏至離艮乾

風去地尺餘。排樹枝。小有聲。不動塵。天氣和煖。紫氣赤雲在日上下。或遍天。是謂祥風。應火之氣。則節令調和。君明臣賢。民安物阜。若風先慢後急。揚沙吹塵。黑氣漲天。則萬物不成。人多病。

立秋坤乾震

秋分兌巽艮

風去地尺餘。微鳴條。不動塵。蒼白雲滿天。是謂和風。應金之氣。則時令調和。民物阜成。人主康壽。兵戈不興。若走石吹沙。先慢後急。日光沉沒。天昏冥。來年春人不安。

立冬乾震坤

冬至乾坤巽

風去地尺餘。颶颶不動塵。白黑薄雲遍天。氣色和平。是謂德風。應水之氣。則陰陽調和。萬物成熟。民安國昌。四夷效順。若走石揚沙。先慢後急。日色晦冥。明年麥損蟲生。五穀不成。

八風兵占

子曰。風從八方來。大吉。

丑曰。風從乾來。不利。坎上來。說得被太平。艮上來。宜退。

巽離上來。大勝。坤上來。自伏。兌上來。主血光不利。

寅曰。風從艮震來。大勝。巽上來。軍自亂。離上來。次日後軍。

自亂。坤上來。不宜戰。兌上來。次日降賊兵。乾上來。急戰。大破賊兵。坎上來。小戰。

卯日風從艮震來。不利。離上來。戰獲將。坤兌乾坎來勝。

辰日風從乾坎艮上來。必勝。兌上來。賊降。

巳日風從乾上來。不宜戰。戰失將。坎上來。有亂謀。艮來。賊

兵千里。震來。大戰。巽來。半勝。離來。大勝。破國。坤來。

急備賊兵入寨。兌來。有戰。

午日風從乾上來。小勝。坎來。收賊兵。艮來。大亂。震來。有

大將加官。巽來。大勝。離來。百里。有客兵來降。坤來。獲

糧草。

兌來萬里遠征。

未日風從震上來。不宜戰。

兌來主血光。

申日風從乾坎上來。大勝。

艮上來主勝。

一云夜半有賊劫寨。

震興來大

亂。遇回兵卽吉。

離來有伏兵。

一云小勝。

坤上來凶。

兌上來大

軍糧。

酉日風從乾上來。絕糧。

艮來主勝。

離來六十里有伏兵。

坤上來。百日內有兵圍城。

兌來主兵客勝。

此處疑有脫誤。

戌日風從乾巽上來。大勝。

兌來急備奸人入寨。

亥日風從八方來。皆吉。

右兵占未詳主客錄之聊備一說

八風兼五音兵占

凡占以方位爲主。風爲客。離方宮風。防失土地。震與方宮
風。必獲土地。坤艮方商風。防失輜重。離方商風。得敵輜
重。坎方角風。防截糧水。乾兌方角風。可截敵糧。震與
方徵風。防火燒營。坎方徵風。可燒敵營。乾兌方羽風。防
敵灌水。坤方羽風。可灌敵水。此以我生
我尅爲占宮風來乾兌方。可復中土。來坎方。敵毒其水。商風來坎方。可
得兵助。來震與方。敵截糧道。角風來離方。防敵火攻。來坤

艮方可分敵土。徵風來坤艮方。防敵火攻。來乾兌方。敵奪輜重。羽風來震巽方。防敵灌水。來離方可灌敵水。此以生義冠我篇六

右所言主客與他處異。故占之無可據。

八風十二辰占

亥子日時震巽方風。我勝得糧。離方風。防敵灌水。寅卯日時離方風。我宜火戰。坤方風。防失土地。巳午日時乾艮方風。我勝得地。乾兌方風。防失輜重。申酉日時坎方風。我勝截水。巽震方風。防敵截水。辰戌丑未日時乾兌方風。可奪輜重。坎方風。防敵毒水。此以日時生冠方位爲占

亥子日時角風敵兵得助。徵風可截敵糧。寅卯日時徵風防敵火攻。宮風可分敵上。巳午日時宮風火攻分土。商風可奪輜重。申酉日時羽風防敵毒水。角風可奪敵糧。辰戌丑未日時商風防奪輜重。羽風可截敵水。此以日時生剋風音爲占與上則相類故附見之以上三占古風角書所無。獨見武備志中。然穿鑿錯亂正不少。讀者詳之。

對敵八卦占風

乾爲天罡風。曰折風。位西北。風從天罡上來。利先發。主人不勝。坎爲大罡風。位正北。風從大罡上來。利先發。主不勝。客勝。

艮爲小罡風。位東北。風從小罡上來。主不勝。客勝。

震爲究風。亦曰嬰兒風。位正東。風從嬰兒上來。利後發。客不勝。主勝。

巽爲小弱風。位東南。風從小弱上來。利後發。客不勝。主勝。

離爲大弱風。位正南。風從大弱上來。敵方至。利後發。客不勝。主勝。

坤爲諫風。一曰陰謀風。位西南。風從諫上來。利後發。客不勝。主勝。

兌爲衝風。位正西。利先發。主人不勝。客勝。

京房占風從震巽離上來。主人勝。乾坤坎艮兌上來。客勝。

二說微
有異同

八風雜占

凡乾坤艮巽上風起。颯颯鳴條落葉。夾雜小雨。或小有二二聲。雷者。一曰祥風。五穀成。天下平。

凡四季月。風從乾坤艮巽上來。天子有德令。

乾爲天門。風起蓬勃。乍緊乍慢。天色黃黑。爲火。爲旱。爲疾疫。爲米貴。又曰王相徵。大旱。百果不成。王相角。疾疫。王相商。兵動物貴。王相羽。蟲害人饑。王相宮。君有德令。萬物成。

巽爲地戶。風起吹沙走石。有聲如雷。半吼。有大水。一日以上止。西南方人多疾。東南方人半疾。蟲虎傷害人。二日止。來年有大水。坤爲人門。風出。去地尺餘。不動塵沙。風氣清爽。日光明潔。黃赤。

雲○遍○天○國○有○大○慶○大○抵○坤○上○風○吉○多○凶○少○有○非○常○之○風○又○當○
以○五○音○六○情○形○德○言○之○

艮爲鬼門。風吹沙走石。有聲如千人呼。風氣昏黑。天色冥晦。民
多疾病。牛馬疫死。五穀不成。應在來年。西南爲衝。入人多病
死。鬼出人見。

風不時。嘗發坤方。其氣暄煥。爲旱恆暘。
風不時。嘗發艮方。其氣淒涼。爲水恆陰。

風角書卷之五

濟陽張爾岐蒿菴著

同州李若琳淇質甫
安康張鵬翔補山氏

子支占法

四時五子占

春甲子風主頒赦。夏丙子風旱災兵荒。秋庚子風刑濫
兵起。冬壬子風水災國憂。四季戊子風歲收君吉頒赦。

丑咸干支占

諸甲曰大風。丙丁必雨。不雨則海中兵起。乙曰大風來貴。
夷狄兵起。丙曰大風有并兵來圍急。一曰來圍遼城。丁

日大風。天傷物。人畜疾疫爲旱。戊巳日大風。土功興。米穀或遷邑。庚辛日大風。蟲生。人病。急備邊陲。壬癸日大風。北夷侵邊。

子日大風。日光沉沉。兵起水中。丑日大風。掃地揚沙。粟暴貴。寅日大風。赤黃氣四塞。火災。卯日大風。黃塵衝天。蝗蟲大起。辰日大風。民入堡集居。大將軍出行。巳日大風。蓬勃大旱。午日大風。乍疾乍遲。人民流散。邊防事急。未日大風。日無光影。土功大興。申日大風。聲如擊。穀貴。盜起。酉日大風。蕭蕭濡潤。大雨。水災。戌日大風。塵霧橫天。揚

埃千里。北兵四起。亥日大風揚沙。拆土。兵賊相攻。人民哭泣。不論五音六情。但風怒號蓬勃。天日昏慘。卽占。仍以久近。爲災之大小。三日內有雨。卽解。

十二支占

凡太歲所在之辰。月日時俱會於此。風又從此方上來。暑熱寒慘者。皆爲客勝。主不勝。如太歲在寅。正月寅日寅時。風自寅來。餘倣此。

三刑相會占

假令丑日時加戌。風從未上來。大寒尅者。大戰流血。主客俱

傷所以然者丑刑戌風從未上來又刑丑而戌又刑未此
三刑俱會也法主大戰流血○申日時加寅風從巳上來同占
子日時加卯風從子上來客大勝風從卯上來主人大勝
辰午酉亥自刑之日風從其上來客勝若時加辰午酉亥風
從其上來主人勝○風從日刑上來猝暴者賊必夜來攻人
風從刑上來相衝擊者半路有賊兵突至風逆刑我者伏兵
猝起軍中

凡風從三刑上來坐者急起行者急走賊必至戰必敗宜誓
眾固守庶保無虞月刑不出月日刑不出日

凡風從刑上來。不惟兵。戰百事大凶。刑上發。疾。刑下發。是。假令子日。刑在卯。風從子來。刑卯爲刑下。風從卯來。刑子爲刑上。從刑上來。利客從下來。利主。餘同此。

凡刑金刑爲兵。金日庚申辛酉是也。木刑爲喪。木日甲寅乙卯是也。火刑爲火。火日丙午丁巳是也。水刑爲水。水日壬子癸亥是也。土刑爲土。土日戊辰巳丑是也。

凡軍刑

按刑當作行。或
是符一行字。

逢歲月日時刑下。風來者必有將死。

若得王相客死囚廢主人死。

凡從歲刑

按歲刑下
脫上字。

來必有兵。人馬死。不出歲。天下兵起。

從月刑上來。郡邑賊起。

從日刑上來。即日近境兵起。

一曰馬賊夜至。主人兵敗。

從時刑上來。不出三日鄉兵起。

刑德衝墓雜占

凡風頻從歲月德合上來。日色明盛。天氣清和。謂之祥風。其占爲天子親賢遠奸。偃兵物阜。若風聲聒耳不調。頻從刑衝上來。謂之妖風。其占爲用小人遠君子。水旱不時。天下凶。凡風從刑衝上來。不動枝葉者。無傷。怒聲寒慘。乃有災。如在軍將死。

凡年月日時風從殺墓上來。白濁寒昏。皆爲凶兆。其日三。

最急。坐不及起。有賊。暴至。若行軍。卽防。伏兵。平時無。人謀害。

敵城相近。攻之未克。風從克上來射我軍。經日不絕。止而復起者。數日。賊有伏兵。欲來襲我。或賊救兵至。宜整備待之。凡風自衝來。爲殃。爲喪。爲火。爲兵。爲大臣死。以日占何國。一曰。自刑。衝來。蝗生。粟貴。大臣災。

凡春甲夏丙秋庚冬壬四季戊。爲天子風。若順時。從歲月日時。德上來。止於德台時方。其風清和明朗者。天子有德。天下治安。

凡八節之曰風從三合六合及天門上來皆爲吉。

子曰風從午來。午曰風從子來。甲曰風從庚來。壬曰風從丙來。皆爲衝。甲乙曰風從庚辛申酉來。壬癸曰風從辰戌丑未來。皆爲刑克。餘倣此。其風暴怒慘濁皆爲大憂。在茂民。凡戊己曰屬中宮。無衝刑寄於乾坤艮巽。皆爲土位。主中國之君。戊己曰風發於乾坤艮巽。在辰戌丑未之時。又止於辰戌丑未之方。天子有德。歲美人安。

戊分寄於奎壁。己分寄於角軫。天門地會之位也。

歲月日時方德刑殺墓例附

于德

甲丙戊庚主爲陽陽德自處

甲德在甲

丙德在丙

戊德在戊

庚德在庚

壬德在壬

乙丁巳辛亥爲陰陰德在陽

乙德在庚

丁德在壬

巳德在甲

辛德在丙

癸德在戊

假令太歲在甲則歲德在甲太歲在乙則歲德在庚餘倣此
日時同歲取月月取日日取時及方時取方歲月亦兼取方

支德

歲月日時在子德在巳在丑德在午在寅德在未在

卯德在申在辰德在酉在巳德在戌在午德在亥

在末德在子。在申德在丑。在酉德在寅。在戌德

在卯。在亥德在辰。

以次序順行前五辰是也

月于德

寅午戌月德在丙。

亥卯未月德在甲。

申子辰月德在壬。

巳酉丑月德在庚。

三合

申子辰合 亥卯未合 寅午戌合 巳酉丑合

六合

寅亥 子丑 卯戌 辰酉 巳申 午未

千德合

甲巳合 乙庚合 丙辛合 丁壬合 戊癸合

歲月日時煞

寅午戌在丑。巳酉丑在申。申子辰在未。亥卯未在戌。

呻吟煞

四孟月在酉 四仲月在巳 四季月在丑

又有四煞者。劫煞災煞歲煞戊巳煞是也。

申子辰年月日時 劫煞在巳 災煞在午 歲煞在未

巳酉丑年月日時 劫煞在寅 災煞在卯 歲煞在辰

寅午戌年月日時 劫煞在亥 災煞在子 歲煞在丑
亥卯未年月日時 劫煞在申 災煞在酉 歲煞在戌
戌巳煞者流戌就巳坎離成象變動不居所謂都天煞也甲
巳之年在辰巳 乙庚之年在寅卯 丙辛之年在戌亥
丁壬之年在申酉 戊癸之年在午未 其法每年但每月
建天干值戌巳者是也。

歲月日時刑

子刑卯。卯爲刑下。子爲刑上。丑刑戌。戌爲刑下。未爲刑上。
寅刑巳。巳爲刑下。申爲刑上。卯刑子。子爲刑下。卯爲刑上。

上辰刑辰巳刑申爲刑下寅爲刑上午刑午
刑丑丑爲刑下戌爲刑上申刑寅寅爲刑下巳爲刑上
酉刑酉戌刑未未爲刑下丑爲刑上亥刑亥凡刑下
來者禍淺刑上來者災深自刑者兼刑上刑下其災尤深謂
之三刑者刑上刑下自刑也

五墓

亥卯未木墓在未寅午戌火墓在戌申子辰水墓在辰
巳酉丑金墓在丑土墓在辰

干刑

甲刑戊 乙刑己 丙刑庚 丁刑辛 戊刑壬 己刑癸
庚刑甲 辛刑乙 壬刑丙 癸刑丁

衝破

子午相衝 丑未相衝 寅申相衝 卯酉相衝 辰戌相
衝 巳亥相衝

以上占國法附

凡歲月日時所主 甲爲齊 乙爲夷 丙爲楚 丁爲江淮
南蠻 戊爲中國 己爲韓魏 庚爲秦 辛爲華山以西
西夷之地 壬爲燕趙 癸爲恆山以北北夷之地 子爲

周 丑爲翟主遼東 寅爲趙楚 卯爲鄭 辰爲晉 巳
爲衛 午爲秦 未爲中山梁宋 申爲齊 酉爲魯 戌
爲趙 亥爲燕代 假令丙辰年七月丁卯午時見災於未
地太歲在丙爲楚辰爲晉七月申爲齊卯又爲鄭午爲秦未
爲中山梁宋是其地各有災也

干支附餘占

凡春甲乙寅卯日夏丙丁巳午日秋庚辛申酉日冬壬癸亥子
日有風鳴條帶雨不驟民安物阜

凡春庚辛申酉日夏壬癸亥子日秋丙丁巳午日冬戊己辰戌丑未

日風起。擺樹鳴。或夾雨雪。揚塵沙。叫怒有聲。皆爲人不安物不成。

凡春甲寅夏甲午秋甲申冬甲子天門乾上有風鳴條動葉有救五穀大熟。

凡春甲乙日風坤來丙丁日風乾來庚辛日風艮來壬癸日風巽來戊己日風艮來動葉鳴條去地尺餘不揚塵沙風氣清和日光明潔民安國昌五穀熟蕃必有脫誤處此下二則入兵占後

凡春甲子夏丙子秋庚子冬壬子四季月戊子謂之天子日春甲子日風雨有赦夏丙子日風雨兵起刑殺秋庚子日風雨

有威賞之令。冬壬子日風雨。當進賢人。四季戊子日風雨。歲收國安。有赦令。

凡風勢緊急。不及一二刻。漸微而止。遠不過十里。其占在民。若在日辰刑衝方。則外界有逆。祥異至。在合方。則外界有書信至。又曰。若在日辰刑傷方。月內米貴。若風急陰黑。飛沙揚塵。不出兩月。民不安。若在日辰德合方。月內米賤。在日辰本位上來。民間有火。此占不用分野。但風至則爲災。

凡風驟起。吹沙走石。經一日以來。其占在大臣長吏。專視月建。若在刑衝方。來其地長吏有憂病。出司若風帶熱。吹灰漲天。

風角書

卷之五

九

天○色○陰○慘○爲○大○臣○長○吏○死○若○在○月○德○合○及○月○建○本○位○上○來○一○
百○日○內○長○吏○有○賞○賜○遷○官○之○慶○

凡○大○風○拔○木○飛○石○經○一○二○日○其○占○在○君○當○視○太○歲○干○支○若○自○刑○
衝○上○來○君○怒○欲○行○誅○伐○不○出○三○日○米○貴○有○旱○澇○之○災○自○德○合○
及○太○歲○方○來○不○出○三○日○有○德○令○

右三占俱不用分野其詳具事類占中

風角書卷之六

濟陽張爾岐蒿菴著

開州李若琳洪箕甫校訂
安康張鵬翮補山氏重刊

事類風占

占風知兵

立春日正月戊申二月己酉三月庚戌有暴風從西方來七日夜不止兵起西方

立夏四月辛亥五月壬子六月癸丑有暴風從北方來七日夜不止兵起北方

立秋日七月甲寅八月己卯九月丙辰有暴風從東方來七日夜

不止兵起東方

己卯是乙卯

立冬早月丁巳十一月戊午十二月己未、有暴風從南方來、七日夜不止兵起南方

以上皆不出衝大起

諸商日時在奸邪風從貪狼或陰賊上來、日色白濁、若昏霧、比連三日、若七日、人間盜賊屯聚攻城邑、不出一月、遠不過七十日

諸商日夜半風卒起、大霧至日中不解、兵起、四季受傷之日、怒風從四季上來、時加子午、外界民爲賊屯

聚相攻闕梁塞道路絕不出七十日。

諸商角之口怒風從奸邪陰賊貪狼上來。白濁冥晦。比連三日以上。必有大兵起。以日占何方。近三十五日。遠七十日。

凡貪狼奸邪之日。怒風達勃。從陰賊貪狼上來。寒慘昏濁。又與歲月日刑相會。或墓殺相會。必有急兵至。無兵爲狴兵起。

諸風達勃四起。或自下上來。觸地。名爲逆風。有暴兵起。平日發人民逆。食時發賓客逆。日中發姻親逆。晡時發臣下逆。黃昏發賊隸逆。半夜發同姓逆。雞鳴發后妃逆。皆大故。不出三十日。若風止有大雨。則災不成。諸宮日時加子午風從四季。

上來有奸人揚言行間。人君左右有親客內亂。若風勢勃亂。叫怒
寒慘。吹沙漲天。日色暝晦。或兼刑殺。必有叛臣。逃兵起。
諸公正之日。風從公正上來。止於寬大。爲長吏勝賊。

陰賊之日。風從陰賊上來。時加公正。風止奸邪。或從奸邪上
來。止於陰賊。皆爲賊勝長吏。

出軍占風

凡初出軍日時。風從後來。衝霧捲雲。人喊馬嘶。旌旂前指。鼓角
響亮者。全勝。又曰。有鴉在後。順風叫來。大勝。

凡兵大舉出城。逆風來。卽結營住守。候風過後。起行。更審彼方。

假令三冬敵在乾而狂風從西北來則不可攻八方準此
凡初出軍及三日內行次風常逆來衝我旌旗不舉人氣怯馬
不嘶或前或後或從旁起吹塵揚沙潏潏勃勃人馬行步無
踪此名鬼風兵出必有挫敗當且止以觀便宜

連日昏霧沉沉風聲錯亂密雲不雨皆防下人有謀

凡出軍三日內道逢急風甚雨沾濕人馬不能行者不利

若其日風雲不興草木不動賊不可得一曰有風而草木不
動賊不可得兵行之次風卒來突迫人馬辟易前有神廟祭
之則吉

初出軍。風或旋風。傍起。至軍前。飄轉引道。得天之助。得敵資糧。敵人來降。

出軍而風逆來。雨不沾衣。名曰天泣。軍必敗。

出軍之日。暴風折旗。大雨不止。此天怒也。宜別擇日進兵。若交戰而風從前驟來。逆衝謂之落尸。當其衝者大敗。

出軍有飄風驟來。牙旗摧折。旗旛繞竿。或直而下垂者。交戰凶。一曰將死。○軍行而旗指後者。不利。一曰若大風揚旗。東西南北。迴旋四轉。將死。軍覆。○軍行。回風相觸者。中道必還。戰亦無功。

凡軍行有八難。屋生之。須迴避敵來接戰。必敗。八難。風者。定。歷
八方。回轉不定。拔木摧屋。吹塵蔽天。望在敵上。急攻之。勝在
我軍。嚴備勿戰。行道逢之。宜結營寨。令弱兵退守。輜重奇兵
強弩分據要害。猛將銳卒。陳於軍前。防其衝突。擊其情歸。兩
軍相守。占同。

風從五音相生上來。生我爲母。朔子如巳亥。角風從卯酉羽來
之類。我生爲子。扶母如巳亥。角風從丑未徵上來之類。天色
清明。風氣條暢者。必勝。

凡出軍之日。風貴相生。忌相尅。貴清明和暢。忌昏濁寒慘。以日

納音占客時辰風方占主德刑分勝負

凡八卦之曰風從八卦而來吉行軍決勝

武備志中又有十干占行軍二則自相矛盾徒亂人意故不錄

兩軍相守風占

凡兩軍相當先分八卦以察主客勝負若風從西北乾上來或
正北坎上東北艮上來皆爲利客宜先舉若從正東震上
東南巽上正南離上來皆爲利主宜後舉若從西南坤上
起有謀不成主客俱不利若從正西兌上來客有伏兵主
人宜設備不則敗風從乾上來客舉兵必獲糧一日風從

辭次起。談刑殺者。慎勿出戰。

凡興兵之時。風雲相交。爲雨。用兵之時。龍虎相交。爲戰。大交大戰。風爲主。雲爲客。風勝雲。主勝。雲勝風。客勝。

兩軍相當。未知勝負。以先舉入他人地者。爲客。後舉自居其地者。爲主。以日納音占客時。及風起之方。占主。若有大風起。以五行刑剋決之。相刑。則戰。比和不戰。若時方俱剋納音。宜堅陣固守。待彼先動。以應爲主。若時方俱爲納音所剋。宜先急擊之。以應爲客。又曰。臨陣風從後來。大勝。

凡入敵境。三日內有風雨雷霆。從我軍上發。入彼軍。爲龍虎助。

戰大勝軍入敵境未遇戰忽有急風來射我軍有雲乍西乍東迅速奔走者急防兵來又曰風急澹住而敵人至者我軍敗兩軍相當暴風忽起從三刑五墓上來昏塵蔽天鮮葉茂條皆落乍起乍止者前後皆有伏兵掩人不備宜防之不可輕戰若天色晴明風不寒尅者不成旋風亦然更以五音日數占兩軍相當有風從歲月日時上來勢大而遲緩者衛賊來有大戰若風勢急速乍起乍止者有狂賊小戰以日納音與風起時方占勝負

兩軍相守未戰忽有風從彼軍方來曰破軍此處疑有或陰賊方來

初起蓬勃及至我軍而低小蕭索其兵止十里外不戰若先
遲緩漸暴急者宜設伏必有大戰

軍行屯營風動旂旛不動如無風然遇敵不戰而罷

商日大風折木從丑寅未申上起來比連三日客軍大敗將
死若主人力弱害亦自退

若從微風起在望日寬大時客軍急退不退其軍不疾疫死
敗即自潰散凡時方納音依此

四季受角之日大風從四季上來時加子午客兵入界自相
殺不出三十日四季受商日同陰賊之日風從陰賊上來

大寒慘者賊自相殺。

商日。怒風從陰賊上來。賊自殺其主將。

凡寬大之日。時加丑戌。風從寬大上來。止寬大上者。大兵解散。

寬大之日。時加巳酉。風從巳酉方來。止於巳酉時方者。羣賊解散。

四季之日。風從巳酉上來。賊兵解散。

寬大之日。風從巳酉及丑戌上來。夜起晝止者。大眾欲解而。

主將不欲解。若風晝起夜止。氣色溫和者。上下同心解散。

天色陰寒。時日雖善。猶未解也。武備志曰。凡風夜動晝止。賊。

必夜來攻。指別尅風。非和解風也。寬大受商之旨。辛亥壬申是也。

有風從巳酉上來連三日至五日。天色清明其散不出四十日。是七十日。廉貞之日。風從寬大上來。天氣晴和者敵兵退散。若四激上來敵兵自退。四激者春戌夏丑秋辰冬未。即季凡遇解軍之風。其風發時清明和暢。即不戰而解。若寒慘昏濁則戰。若日辰受尅仍以戰散。

四季受宮之日。

春丙戌夏丙辰秋辛未冬辛未是也。

風從寬大。若四季上來皆

爲敵軍來降。

四季是辰戌丑未若秋冬二辛未須再考察。

若四季受宮之日。風從卯酉羽上來皆戰。賊兵解散尅所不勝。故因戰而散。

此條獨在武備志中于主客之義未詳疑有誤。

城營風占

凡坐營相守有急風從敵上來正射我軍土而復下或止而復起必有大兵欲來攻襲宜早備之。若攻人城未下而有此風則有救兵自外至若入地界已得城池猶有未下邑壘而有此風必有兵來戰寒慘帶刑殺必須嚴備。

凡與敵相守營寨上有旋風歷過者隨所歷有寇至宜急備之。又曰忽猛風揭瓦揚沙所來之方必有精兵。

旋風入營寨捲土伐屋倒戈徹幕急備不虞若旋風自外人彼城營急宜從入處攻拔之。

軍纔下營。旗鼓方張。而有暴風來捲軍幕。傾敗干戈者。大凶。一曰主將失位。軍人叛散。似主敵兵至上。占或謬。又曰有奸謀。

旋風吹物上空。在城營中。兵不利。宜固守。武備志曰。我軍與人。有謀。宜撫將佐。犒士卒。旋風數日不止。兵起屠城。旋風千百。爲羣。縱橫襲人。主屠城。

風飄書物入城。勿取收。宜祭土地。又曰得土也。

風飄衣出營宅外。有賊至。平時有禍。以上二則出武備志

諸羽日怒。風從商上起。揚沙晝晦。有兵來攻城邑。若至日中。半夜風益怒。此時攻城不下。客軍必敗。商金羽水母子爲強子。

午宮土制水勢不能行。城可固守。外必自敗。

諸角日大風勃怒。從申子亥卯上來。大寒昏慘。至夜半或日中其風益怒。連三日以上。有大兵起攻城。城必陷。主人宜出避之。子午宮土日辰角木尅之。不利爲主。故攻城則必陷。近期九日中二十七日。達九十日。

諸羽日大風日光冥冥。昏霧沉沉。大兵圍城。客勝。期五日中十日。達一月。

商日怒風從子午上來。時加子午日光冥晦。不利。主人宜防內兵自亂。

凡奸邪受宮之日。怒風從宮上來。止於四季。風氣寒慘。城中兵亂。夜殺長吏。四出。不禁。近期七十日。達九十日。

凡有兵圍城。視諸商日。有風從丑上來。比連三日以上。至七日。

客軍必敗退。丑按尚當墓也。又爲陽徵商金。遇之。兵敗將死。

近期七日。中二十一日。達七十日。

凡日中夜半。風從申子亥卯上來。夜發晝止。日中大寒不解。敵必夜來攻城。劫營。不避風雨。主將忌之。期五日。若十日。

乾上有風。吹倒旗旛。此天怒。不可攻城。

艮上有風。帶黃黑色。作鍾鳴者。此夜有賊。劫營損兵。

震上有風。清涼無塵。吹塵蓋簷捲者。城內有賢士。不可攻。
巽上有徵風。吹林稍自響者。名叫噪風。城內有神靈助。不可攻。
以上四條。出武備志。

邊夷水賊風占

四季受商之曰。

戊辰癸未戊戌
戊癸丑是也

時加子午。怒風從四季上來。五日

而止。四季上者。天子欲伐四夷也。所以然者。四季主四夷角

木尅土。故知欲伐四夷也。欲知何所伐。當視風所止。止辰爲

伐東夷。止未爲伐南夷。止戌爲伐西夷。止丑爲伐北夷。皆期

九日。至九十日。若風止有大雨。則不成。災。止一作指一若天子

所伐亦當視風舉事。

凡壬辰日主東夷。風從辰上起七日。至九日。東方海賊動。期五

十日。乙未

一作癸未

日主南夷。風起未上。比連七日。南蠻反叛。內

侵期七十日。

壬戌日主西夷。風從戌上起七日以上。西羌反叛。期五十日。

癸丑日主北夷。風從丑上起七日。若九日。匈奴大入還邑。期

二十四日。八十日。

以上風勃怒叫吼則占。

凡壬辰壬戌壬子壬申之日。有風從子上來。三日以上。昏慘暴
急。日色不明。此水內大賊欲攻王國。近期七日。遠不出三十

日風大寒慘侵入肌骨不解皆爲賊發從王相來賊發疾囚死來賊發遲一曰風大寒則夜至

壬戌癸亥乙卯壬辰甲申丁未六日有風從申子亥卯或辰未上來水中賊起相殺以六日皆受羽申子貪狼亥卽陰賊辰未奸邪故也近期五日遠五十日一曰商曰官曰烈風從四季上來時加子午兼帶刑殺或申子亥卯上來當有狄人犯順諸羽日大風昏霧夜半從申子上來陰寒迅急當雨不雨水賊攻絕津梁道路不通近期五日遠五十日

四季受宮之曰丙辰辛未丙戌辛丑是也風從四季上來折木揚沙五日以

上至九日止。子午上。或時加子午時。此爲夷狄君長萬里來朝。或遣使貢獻。近期五十日。中百日。遠百五十日。天色溫和。清明。乃至寒慘昏濁。不至。

壬辰癸未

一作乙未

壬戌癸丑。四季之日。有風從申子亥卯。或辰未

上來。迅急寒慘。比連三五七日。此外界羣賊屯聚并勢侵犯。郡國晝伏夜行。猝起作逆。不出七日。十四日。或七十日。一曰。邊界長吏結連外夷內侵。大凡此四日。有風從貪狼陰賊。邪上來。勃怒陰慘。卽爲夷狄侵犯。

庚辰乙未庚戌乙丑。四季受商之日。時加商風。從亥卯辰未上。

來止于子午滿五日以上至九日風怒不解夷狄兵起若風中止或更轉已酉上來賊必自解近期七日中七十日達百日若風雖急暴不滿日止或轉從子午上來或時加子午散氣沾濡若雨濕然皆爲賊軍中道解散

四季受商之日怒風從四季上來外夷欲屯聚寇掠不出七十日若從四季上來不滿日復從四仲子午卯酉上來轉從陰賊方來或時加陰賊寒慘迅急日冥無光此夷狄兵起中道自相殘殺不至近九十日達百二十日一作九日十日若風從四季上來十日不止千里兵來二十日不止二千里兵來

七十曰

四季之日暴風卒起。及遊風須臾止者。爲千里外兵來。不則近界。羌狄爲變。事不在千里。而千里外之人。亦可以應其占。風小事。小風大事。大若風滿九日。則爲萬里外兵。若羌狄居畿甸者。有變。

凡大風從四季上來。止于子午。氣色清明。天日和緩者。四方邊界欲來求和。隨日占之。未說

大凡四季主關津道路。主管鑰主遠方客主外郭外州外界夷狄。以風起日數。知遠近遲疾。知進止寒溫生尅。知勝負神而

明之存乎其人。

水火災風占

凡受羽之日風從卯酉羽上來。天雲陰潤人心悲慘。連三日者必有暴雨大水驟至。若風來帶刑殺及起于貪狼奸邪陰賊日時則有水中賊起。

凡風從卯酉來時加卯酉風勢肅肅條習又止卯酉潤氣濡物者大雨卽至。

諸角日有怒風從寅申卯未徵上來。午遲午疾時加夜半火起宮寺院廟中。

辰午酉亥四日爲自刑日。其日受商而風從微來辰日加午。全部二千萬傳舍大臣將相之宅。午日加午燒都尉尉舍。大夫官吏之宅。酉日加酉燒貴府大傳舍廚庫貴人店肆。亥日加亥燒喪家并居肆半獄若囚徒之家大寒迅急則燒殺人溫和但燒屋不殺人風止卽有雨下雷電乃已不然雖期內有雨火亦必起。

四季受商之日。怒風從四季上來止于午者下亭鄉市失火有文書三日至期內而不發。

諸亥卯受角之日。怒風從丑未上來時加申于賊以火攻主人。

寒急者殺人財出。若時加廉貞公正。此仇怨相殺。不出三日。六日。以日占其地角屬木。壬子亥卯丑未。徵火木。因火發也。申子負狼。故爲盜賊。公正廉貞。怨惡之情。故爲仇怨。

諸徵日時加徵暴風猝起。而天氣清明者。有徵書至。爲火災事。

近三日。連三十日。以日占國。

一日徵日。怒風從後方來。時加于午。疾乍發。雷火災發。

凡陽徵日。風從陽徵來。時加徵夜半。爲都市中府寺火起。○風從陰徵來。爲下亭鄉市人間火起。

凡占火得巳酉之時。此誤相燒也。得公正之時。爲仇怨相燒。得廉貞之時。爲文書口舌相燒。得貪狼之時。爲賊攻燒。主人得。

陰賊之時。惡人。適相燒。或捉賊燒屋。得好邪之時。爲小盜。陰私相燒。日辰王相。有氣者。人事相燒。囚死無氣。時加商角。鬼神所燒也。若徵日起風。或更加時。徵方徵聲止者。三日以上。天氣赤黃。七日不解。天災火起。千里相望。近期三日。達三十日。若風止。卽有大雨。則解。

暴風忽起。東南巽方。繞木悲鳴。聲如搖火。有火災。不出三日。丙寅丁卯之日。怒風從寅卯上來。爲都市中火起。所以然者。丙丁火寅卯木也。木得火而然。卯爲都市。期三日。或丙。七。丁。六。日。應。期內有雨。卽止。

乙巳暑例。辰戌之日。及諸受商之日。風從辰戌上來。巳亥及諸受角之日。風從巳亥上來。及諸徵上來。受徵之日。風從辰戌上來。辰戌及諸受角之日。風從丑寅未申上來。辰午酉亥之日。風從辰午酉亥上來。以上諸風。鳴條擺樹。乍起乍止。勃怒暴亂。天色昏冥。皆爲發火之候。風二三刻止。火非遠。半日止。十里內。一日止。五十里。二日止。百里。三日止。千里。又初疾後慢。火非遠。初慢後疾。火遠。旺相時。方燒都市宮屋官舍第宅。因死時。方燒廟宇牢獄休廢時。方燒驛亭店舍鄉郭開屋。

諸陽宮之曰風從陽微上來爲詔書。到欲知何書以風至之時占之。時加寅午遷除詔。時加巳酉寬大詔。時加丑戌徵召詔臺詔。時加申子賦歛詔。時加亥卯接章事老詔。一曰盜賊事詔。時加辰未嫁女傳詔。皆期九日。遠則四十五日。諸陽宮之曰風從日月歲刑上來。回止德方風大迅急。此上官被收下官證無罪。

春甲夏丙秋庚冬壬。天子所在風從其上來。有天子至。若時加公正。此天子令也。時加奸邪。此詐書不可信。

風從帝旺上來。若子丑上來。爲詔書。此下一行不可。若從相來。讀必有謬誤。

爲公卿書。

候喪疾風占

壬子壬辰之日。風起夜半。止夜半。占皇后國夫人。起日中。止日中。占人君。他倣此。此條有謬誤。

庚子陽宮之日。日中夜半。怒風從子上來。止辰。此爲宮動。宮止辰。爲入墓。一作庫中宮爲人君。期九日。遠九十日。

庚午陰宮之日。日中夜半。怒風從子。一作午子上來。止午。若辰。后有喪疾。上解同風起三日以上。乃以此占。不滿三日。爲病。

諸角曰。大風從亥來。二日。止未。二千石有死。喪期九日。遠二十

七日

壬子角日風從未來三日止使者州刺史有喪

癸丑日風從未來一日止丑令長有喪

己亥之日有風從亥上來半日止未丞有喪

丙戌日風從未上來止戌小尉有喪

四季受有象文經第一角字之曰風從未上來比連三日民大疫若風從己亥上

來止未民大死喪期二十七日

己亥受角之日風起己亥止己亥此長吏客喪止亭傳近期三

日一日亦爲民殃

五音之日。風從五墓上來。若止墓上。皆爲死喪。事如宮墓在辰宮。日風從辰來。或止辰是也。若從旺相方來。止旺相方。則爲人安主昌。

五墓例附

亥卯未木角墓在來 寅午戌火徵墓在戌 申子辰水羽墓在戌 申子辰水羽墓在辰 巳酉丑金商墓在丑 土宮墓在辰

凡五音之日。風來色黑。不睹人面。先紫後慢。經刻止者。主疾病。惟數爲期。如甲子日二九之數。近十八日。遠八十日。更遠則

九年

救百姓疫法附

春以己角之口戶曹出行疫病至未方治壇用白羊白犬白雞禳之夏遣法曹秋遣金曹冬遣水曹四季遣功曹各于其時之墓治壇用雞犬羊用所被尅之色救之則雖疾不傷不遣則其災必大應冲月

候風知赦

春 甲寅帝 乙卯王 庚申爲詔獄 辛酉爲司空

夏 丙午帝 丁未王 癸亥爲詔獄 壬子爲司空

四季 戊午帝 己未王 甲寅爲詔獄 乙卯爲司空

秋 庚申帝 辛酉王 丁巳爲詔獄 丙午爲司空

冬 壬子帝 癸亥王 戊戌爲詔獄 戊辰爲司空 凡帝

王之日風從詔獄上來大赦司空來小赦

冬當以戊午爲獄疑有誤

春甲寅日時加申風從甲來三日止申其風溫和法爲有大赦
期六十日又云風從庚來有大赦

乙卯日時加酉風從甲來止申爲小赦期四十五日

夏丙午日時加亥風從丙上來止亥其風清和有大有赦期六十

日又云風從壬上來有大赦

丁巳日時加午。風從丙上來。止亥。爲小赦。期四十五。
四季月。戊午日時加寅。風從寅上來。止于寅。有大赦。時加小赦。

期六十日。

以下二十字未明

卯日未上來。小赦。

秋。庚申日時加寅。當作巳。風從庚上來。三日。止于巳。風溫和。有大

赦。期六十日。時加申子。爲小赦。

冬。壬子日時加巳。

當作戌

風從壬上來。其風調和。

按此下當脫時有大赦三字日

加辰。申日爲小赦。期六十日之內。

以上義重例略。未知是否

冬至後。丙申日。風從丙上來。大赦。○甲申。戊申。庚申日。風從丙

上來。小赦。○丁巳之日。風從巳上來。三日。止。大赦。一日一夜。

止小赦。時大赦。

寬大之日。時加巳酉。風從巳酉上來。三日止。詔獄。

常以帝王之日。巳酉日獄。日候風從王上來。加獄時。若止獄時。皆有大赦。鳴條以上占之。

諸戊巳王日。風從天門上來。有赦。

春甲日日出之時。風從卯上來。須臾止。又復從卯上來。有赦。近。

二十日。

春甲子。天子庚爲獄。有風從甲上來。時加庚爲有赦。若連三日。止庚。其風清和。必有大赦。風止卯而雨。有賞賜。期九日。遠三。

十日。俗三時。依此例推之。

春甲日。風從甲上來。止庚。須臾止。有牘書。半日止。府吏原罪。

口一夜止。州牧原罪。三日止。使者原罪。此列餘時準

春甲日。旋風入人家。從甲來。止庚。亦爲有赦令。

春風常從甲來。止庚。必有赦令。亦爲陰陽和。律呂正。國有喜。

四季寬大之日。時加巳酉。從正王卿上來。止巳酉。有赦。風

從墓來。若加時巳酉入。止王相。或帶德及德合。皆爲死者得

生。囚必遇赦。

候風知遷官免罪法

國君公卿以下所屬日

春三月寅皇后 甲天子 卯太子 乙太子妃 辰太子吏

巳司空 丙司徒 午太尉 未九卿 丁太傅 申司

隸 庚詔獄 酉庶民 辛卒徒 戌夷狄 亥宗廟 壬

內相 子官府 丑大將軍 癸內藏

夏三月丙天子 巳皇妃 午太子 丁太子妃 未太子吏

申司空 庚司徒 酉太尉 辛太傅 戌九卿 亥司

隸 壬詔獄 子庶民 癸卒徒 丑夷狄 寅宗廟 甲

內相 卯官府 辰大將軍 乙內藏

秋三月庚天子 申皇后 酉太子 辛太子妃 戌太子吏

亥司空 壬司徒 子太尉 癸太傅 丑九卿 寅司

隸 申詔獄 卯庶民 乙卒徒 辰夷狄 巳宗廟 丙

內相 午官府 未大將軍 丁內藏

冬三月壬天子 亥皇后 子太子 癸太子妃 丑太子吏

寅司空 申司徒 卯太尉 乙太傅 辰九卿 巳司

隸 丙詔獄 戊庶民 丁卒徒 未夷狄 申宗廟 庚

內相 酉官府 戌大將軍 辛內藏

春寅爲皇后。此日中有暴怒勃亂之屬。從午上來。五日以上。皇

后有大憂。其氣溫。皇后有乖。近九日。遠九十日。有雨。卽解。

春丑爲大將軍。此日有大風。發屋折木。從丑上來。四日以上。有

氣。將軍賀賜。無氣。有罪。迅急寒尅。有憂。近八日。遠八十日。

春丁巳爲三公。風從丑上來。三公座上。天色晴明。三公遷封受

賀。將軍賀賜。

搜將軍賀賜四字疑衍

風氣寒急。日不明。三公退免。受誅。

丑者巳日墓也。餘時皆倣此占。

四時風從天子上來。視所止。爲詔書所加。風氣清和。爲遷官。寒

急昏濁。爲憂罪。風止而雨。爲事解。雨止復風。爲事不解。日少

從近期。日久從遠期。卒暴從近期。遲而怒從遠期。

八月戊午甲辰甲戌四日。以四時候時者。州牧刺史從之。
風從其時上來。有氣爲遷官。無氣爲免退。○假令春甲辰日。
風從辰上來。三日止。甲使者徵拜尙書。若風從甲上來。三日
止。辰使者徵遷二千石。近三日。遠二十七日。書到。

諸使者用事之日。風從徵上來。止辰使者遷二千石。○止丑使
者上書。止公卿座。其風清和有遷賀吉。若大寒迅急。爲使者
奏三公二千石。令長當免退。近三日。遠三十日。

丙辰日。爲府君。其日有風從辰上來。二日止。君位上。二千石徵
納補。若有風從辰上來。止午。清和者。二千石奏使者。寒急者。

二千石奏刺史更相奏。上有氣勝無氣者凶。止辰爲奏事者。不還得罪。近九日。遠四十五日。

五丑爲令長相奏者。此日有風從丑上來。大寒急止辰。上有氣。此令長奏府君止午。奏使者止公座。則奏公座。此下官與上官相奏。以寒溫決勝負。

五亥主諸丞。凡亥日風從亥上來。亥有氣丞還賀無氣丞免官。風半日止者郡丞二日止爲府丞三日止爲州治中四日止爲公侯長吏五日止爲尚書丞丁亥爲二千石。五戌爲都尉丙戌之日有風從戌上來戌有氣尉還賀無氣。

宮年日須臾時小尉溫。和爲選賀。寒爲免官。他倣此。

諸寬大廉貞公正之日。有風從丑上來。視所止爲君德所加。止。有遷官賞賜。以四時位言其風。若大寒。迅急。君有異令。視所止之位。當之。

此條舊在候客內占

候公侯貴客占法

諸陽宮寬大之日。有大風從天子上來。止三宮座上。爲三宮人賀。期一日九日。

丙辰戌寅日是也

凡大風折木從臣座上來。止君位。皆爲臣書奏事。清炎溫和。不寒慘。爲有喜。從刑殺上來。日光昏慘者。爲有奸。假令廉貞。

寬大公正之日。其日清明。風從臣座上來。止君位。其臣忠正。所奏公直。必有慶。若奸邪陰賊之日。風氣寒冥者。反是。假令宮日時加宮。此近臣也。

須臾止者。四十里內。半日止者。五十里內。一日止者。百里內。二日止者。千里客。三日止者。外臺使也。四日止者。外州使也。五日止者。邊將使也。七日止者。萬里夷狄使也。言止者。皆爲止于君位。若風昏冥寒急。此遠方使至。必懷叛逆。其風來日時得六情之正。皆爲正臣。欲有獻于君。清溫者。遇吉。寒風者。憂。

凡四季受宮日風從四季上來止君位若太子位皆爲吉

人諸陽主長吏諸陰主民間

解不

如欲候天子所在如春三月天子在甲有風從甲上來時加以

風止寅天子入後宮甲來止丑天子入將軍止酉天子

候白衣士止戌天子入都市誅止辛天子入人家又曰

止四季天子出遊千里止四仲出遊百里止四孟行出城郭

與上占不合占諸侯令長同法春天子在甲在內以占天子在外

下邑民之吏至二千石諸侯亦占甲所謂君人者大小同

占也。

風從臣位止于君位。皆爲臣上事。假令春有風從未上來止甲。爲九卿上事入省。從丑上來止甲。爲大將軍上事入省。何以知大將軍兵先起。商角之風。兵起風上。宮羽徵風。兵起。假令陽角之日。風從甲起。則爲大將軍先將兵出也。負接法言之。風相生則和。相尅則戰。如角。風從羽來。相生。大將軍出兵必勝。他倣此。

兵占附餘

凡軍興。右畔有風動塵上者。則士多死傷。

風雨

來。翻覆迴轉。城營中必有反者。風從四維上來。

寒迅者敵後伐。

伐下疑有字

山林伏兵。暴風伐屋折木。從四維上來。

曰賊風。有賊兵從風所來。南北不出八日。八十日東南不出四日。四十日西南不出二日。二十日西北不出六日。六十日

凡大風黑雲綺錯。臨軍者軍有憂。十五六日者大憂。十七八日者軍破敗。敵者有此急伐之。

凡風聲怒鳴。氣勢慘悽。連日不止。有兵則敗于所鳴之方。無兵則其地主民者有憂喪。亦爲有火災。

凡春甲申丁酉日。有大風從西來。夏戊申己酉日。有大風從

北來。秋壬戌己巳日有大風從南來。冬甲辰戊午日有大風從四維來。皆爲大賊方起者。若已有賊必來相攻。亦有謀叛者。

凡春丙子夏戊己秋壬癸冬甲乙日有暴風急雨寒剋者。賊兵起。已有賊必入界。若風至夜不止。必有大賊圍城。

右二則原在占國法中

風角書卷之七

濟陽張爾岐蒿菴著

開州李若琳淇貧甫校訂
安康張鵬翮補山氏重刊

飄風占法

天門風
占附

釋名

飄風者。回風也。扶搖。羊角。焚輪。皆其類也。自下而上。直至于天。亦有自上而下者。通謂之旋風。

官宅占

旋風起官宅中。以六情言。清和吉。主相有氣。亦吉。囚死爲凶。旋風猝起官宅之中。或從外人。揚人衣服。發人屋宇。皆爲有難。

風角書

卷之七

七

暴事。

若從歲月日時德上起來。或止于德方德合之方。或寬大日辰直德合之時。王相有氣。則爲吉事。若從歲月日時刑衝墓殺上來。或止刑衝墓殺方。或日辰囚死勝時。下及貪狼陰賊奸邪之日。皆爲凶事。旋風起坐席。君子失官。小人失財。若從刑墓上來。行者急走。坐者急起。避之。

旋風從地中出。直注卜師死。旋風入屋中。飄揚衣物。當憂財物驚火。以上槩論。

宮日旋風起宮宅中。爲國訟。爲囚係。爲縣官有連引事。若起道。

路從內向外衝上吉。南曰風起宮宅中有人持酒肉來不片
三日。角曰憂疾病。徵曰憂火。羽曰憂失財物。以上五音曰占凡宮宅
之內。西堂爲父。東堂爲母。堂邊爲長子。房爲婦女。庭爲眾。牆
壁爲少子。井竈爲婢僕。門爲賓客。回風猝起者從外入皆爲
德。刑言其所主之人之吉凶。一曰南堂爲父。北堂爲母。東堂
爲子。西堂爲孫。又曰宮宅中庭爲大眾。庭戶爲四鄰。垣牆爲
小口。井竈爲婦女。碓磴爲奴婢。馬廄爲從隸。客堂爲外人。門
爲賓。客廳爲諸公客。有風起止其地。時加奸邪陰賊。或從奸
邪陰賊上來而止于奸邪陰賊之地。各防其人有謀。若風氣

寒慘帶刑殺尅害而來有所觸損者各言其人有災

凡回風暴風猝起官宅諸商日時加寬大風從角上來止于四
死休廢爲賓客作奸風起門外入門而止于商時方亦然加
奸邪不覺加公正覺

商日時加申風從未上來回入南門至堂邊爲長子作盜回入
井爲婦女作奸欲共他人殺夫

陰賊之日時加申子風從奸邪上來止陰賊婦女作奸欺夫

辛丑日時加午風從宅中從午上來後三日有酒食

商日辰時風從純商來爲怪慘物害人

直日風起純角入宅爲惡鬼入宅害人日辰旺爲縣官
來爲家長相鄉來爲子孫休廢來爲賓客囚死來爲下賤
狼來爲盜賊奸邪來爲淫婦小人公正來爲仇人餘以類推
之。

凡在公宇廳院園苑之內有旋風分明依道不急不惡清明和
暢漸向前來當有賢人君子至或爲使命喜慶之事以上日
時加方
例占

凡宮宅中同坐非止一人或十餘人同行而有旋風相衝來未
知誰當以風發之時方日辰推之風從宮來卽宮姓者當之

若同音者非一人卽有以長幼別之。孟爲長年。寅申巳亥主之。仲爲中年。子午卯酉主之。季爲少年。辰戌丑未主之。若長幼同者又不一人。則以休生別之。日辰王相。事在尊長貴人。休廢囚死。則在卑幼賤役。又陽日取男。及在左者。陰日取女。及在右者。又同。則取衣服之色。宮黃。徵赤。商白。羽黑。角青。或取其所執持之物決之。卽知其事所在。若飄風起而止。前者以時音期之。後來逐人而過去者。以日音期之。此分別事之所在

行道占

凡行道見旋風從正南來。一日從西方來有酒食。若時加巳酉。皆大吉。

旋風起吉。方兩處夾道隨人行者。重吉。久不滅亦無他。但從凶地來。卽凶。行道有旋風從前面來。逆衝人者。勿前防。有伏匿相謀。以時下及日德刑占之。旋風急從後來。逐人亦以其日干支納音時。加刑德五音六情占之。又以時和爲吉。寒濁爲凶。旋風傍起前行。或橫而過。皆當以日辰刑德占之。以上概論吉凶

凡行道有回風四面而覆人。宜回避之。宮日有田土爭訟。徵日有口訟。若從徵方來。家戒火。羽日失財物。若憂酒肉事。聚聚于上。商日爲失財亡。遺人所謀。角日有疾病。

從角地來有死喪事。

宮曰同風突入。戒田宅憂移徙。或爭

訟田宅。若道上遇之。不宜爲客。衝外則吉。徵曰戒告訟文。

事凶。或有失金錢事。羽曰戒入水行舟。防沒溺。或失財物。

有聚眾事。商曰戒爭財物。防門傷。若入山林墜下被傷。

角曰有疾病死喪事。不則相擊傷。以上以五納音占之

旋風從人本命墓上來而值之爲疾病。時加角爲從高墜下。若

失足竹木所傷。時加徵爲燒炙。若見血。時加宮爲瘡腫。

時加角。按角疑當作商爲金刃所傷。時加羽爲殺溺壓死。

旋風從本日來。墓上值之音疾病。

歲刑上來爲縣官事。月刑上來爲尉郡鄉亭事。日刑上來爲
爭訟事。時刑上來有卒急公事皆凶。

旋風從歲月日時德上來。皆爲有喜慶酒食吉事。假令今年在
木鄉。有木器物從北方來。在火鄉。銅瓦器物從東方來。在土
鄉。田宅器物從南方來。在金鄉。錢物從四季方來。在水鄉。酒
肉六畜從西方來。以上概論歲德

四季之日。四孟上來。上官長吏有賜與。四仲之日。四仲上來。次
官長吏賜與。四季之日。四季上來。下官長吏賜與。若商日。
又辰加商。金銀銅錫之物。徵日。又得徵時。文書采色之物。初

風角書

卷之七

吳

日羽時若水物。角日角時。木實、米粟、繒帛等物。宮日宮時。土

瓦器、脯肉、皮革之物。

以上論日時德

王相其物良。囚死則敗濫。密在

德鄉。後以五音占之。非泛指五音日也。

以上刑德占

暴風在眾人中。亦可以五音察憂吉所在。

此當在宮宅占末獄內

凡行道之次。忽遇暴風。旋風。當以行年決之。若從寬大廉白公。正上來。與本命相生。則吉。從奸邪陰賊貪狼上來。與本命相。尅。妨侵害。若昏濁蓬勃。又加刑殺。大凶。

本命行年何附

日家起小運。不問陰陽二命。男一歲而寅。二歲丁卯。順行。截法。

十一歲丙子二十一歲丙戌推至本年爲行年 女一歲起
壬申二歲辛未逆行截法一歲壬申二歲辛未十一歲壬戌
二十一歲壬子推至本年爲行年 本命者卽生年太歲支
干辰也。

國事占

旋風入宮闕中一日再三名曰太陽戒不出一年內兵起。
天鏡占風飄吹衣被于都市中有殺主不出一年。
軍行有大旋風起軍前來右回繞者將死左回繞者得敵糧更
以時方占之乃得。

凡扶搖獨鹿之風卒起軍營中有反者。

凡出軍守壘見旋風卒起與宮宅行道占同。遇德方吉情皆有吉事。遇刑煞凶情。軍必移營。戰必退守。旋風起應聞戰敗。或來衝逐。或當面截過。并用日辰干支五音六情占之。如行道有旋風四面圍迫。宜迴避官防。夜來劫營。商防賊兵掩至。角防林麓埋伏。徵防火災。羽防雨水暴溢。又旋風起方時日與大將軍本命行年相生則吉。與本命行年相剋防賊冲殺陰謀。

出軍行營各自有占。此特略言其例。不具載。

天門風占附

天下多有出風之處。名山大川。皆有風穴。惟天門所出風。可占天門者。乾方也。戊乾亥。同爲乾方。

天門上發風。擺落樹葉。而天氣清明。日色光輝者。天子有德。令行天下。臣皆喜。

天門上發風。去地尺餘。不動塵土。拂拂然。天色晴明。黃赤雲過。天謂之祥風。天子有赦。令囚人出獄。

天門風起。先急後慢。拂拂經時。黃雲過天。忽夾微雨。忠良在位。民安樂。

天門風起。初慢後急。吹沙走石。折木發屋。黑氣遍天。經時雨止。謂之邪風。佞臣在位。天子憂病。若風止而雨。卽解。

天門上風出。初微漸大。排樹有聲。如雷吼。經時乃止。天子欲行。急令有赦。年收半日止。五穀成。賢人至。天下安。一日止。大赦。不出一年。一日半止。天子發大使出安邊。行德令。撫問事。二日止。外國來朝。貢有大喜。二日半止。天子欲郊祀。大赦天下。三日止。五穀大成。遠夷加貢。必風氣和暖。清明乃作。上占若風夾熱氣。天下穀貴。蟲傷一分。冷氣民勞。若風氣黑慘陰。天子有病。三年災。民物不安。

一曰宮日宮時天門上風來皆爲吉

飄風占附餘

有風忽起西北方旋復東南四轉五復者主將貪虐士卒謀逆
旋風猝起敵軍上急擊之勝若自敵上來入我營中敵欲降
刑殺而來者敵欲攻備之吉此說小異詳刑德定之

旋風猝起而帶三刑五塞賊有伏兵營中旋風頻起而出敵
可以戰移營去之

旋風挾時刑主人勝日刑客勝

旋風直上衝天起軍中急戰大勝亦專指

凡暴風入殿屋不出六十日有相殺者若入宮殿中有惡之人
宮製帳帟君有憂入軍折旗鎗將有憂

風角書卷之八

濟陽張爾岐蒿菴著

開州李若琳淇貫甫校訂
安康張鵬翀補山氏重刊

海運風占

風候

日暈則雨。月暈則風。何方闕。卽此方風來也。

日沒燕脂紅。無雨必有風。須看返照在日沒之前。燕脂紅在目沒之後。記之。

星光閃爍不定。主有風。

夏秋之交大風。及有海沙雲起。謂之風潮。名曰颶風。此颶乃西

方之風也。有此風必有淫霖大雨同作。

凡風單日起單日止。雙日起。雙日止。

凡風起早晚和。須防明日再多。

凡暴惡之風。盡日而沒。

夜起之風。必毒。

凡東風急起。急雲起。愈急必雨。起最難得晴。

凡春風易於傳報。一日南風。必還一日北風。雖早有此風。向晚

必靜。防南風尾。北風頭。南風愈吹愈急。北風吹起便大。

春南夏北有風必雨。

雲若砲車形起。主人風。

雲起下四野。滿目如烟如霧。名曰風花。主風起。

雲若魚鱗。不雨也。風顛。

凡雨陣自西北起者。必雲黑如澄墨。又必起作眉梁陣。主先大風雨。後雨急。易晴。

水際生靛青。主有風雨。

秋天雲陰。若無風。則無雨。

海燕忽成羣而來。主風雨。烏肚雨。白肚風。

海豬亂起。主大風。

夜聽九道遙鳥叫。卜風雨。一聲風。二聲雨。三聲四聲斷風雨。
鰕籠張得鯿魚主。風水蛇蟠在蘆青上。高若干。水高若干。漲若
干。回頭望下水。卽至望上稍慢。

月盡無雨。則來月初。必有大風。雨俗云。二十五六若無雨。初三
四日莫行船。

春有二十四番花信風。梅花風打頭。楝花風打末。

風忌

正月忌七八日風。乃北風也。

二月忌初二北風

三月忌清明北風

四月忌立夏風

五月忌雪至風

以正月下雪日爲始算至五月乃一百二十日之內主有此風

六月忌彭祖風

在前後三四日

七八月若有三風必有北風襲之

九月九日忌九朝風

前後三四日

十月忌初五風

在前後三四日

十一月忌冬至風

十二月廿三四日忌掃塵風

海運抄略

日離海角。晴明無暴風。

日出赤霞有黑雲。午後大風。

日色慘白。風起漸大。

日起日落有腳。必主風雨。

日昏有雨。日暴燠熱有風。

日色朦朧陰霧有雨。無風。

日忽暴熱。必有颶風。颶風過即雨

日落片片陰雲來。日有風。

日珥早間。狂風卽起。

日暈午前。風起北方。

日黃返照。明日風狂。

日出卯遇雲無雨。必天陰。

上弦月如懸弓。必主多風。

月暈連宵。必有大風。

月色生毛。主風雨。

虹駕半空。暴雨必至。

虹駕半空。暴雨必至。

日珥申後。明日主雨。

日暈午後。大雨卽防。風須防。

日沒暗紅。無風必雨。

日出光明。無風。

下弦月如仰瓦。必主多雨。

月光閃爍。必主大風。

虹駕長空。無雨。

虹見東方。有風無雨。虹見西方。風雨。

電見東方。無雨。電見西方。風雨。雲垂春野。雨。

巧夏峰晴。雲薄秋山陰。雲黯冬地雪。雲霧罩山春。月必雨。夏月必晴。秋月必有風。冬月必有雪。烏雲接日必雨。片雲忽蔽青天。卽時風雨。雲垂四野不接山。無雨。久雨雲不收。不晴。雲收月出忽暗。必雨。雲從龍門起。颶風連急雨。雲勢若魚鱗。來潮風不輕。雲亂天頂絞。風雨必不少。雲霞早赤。午後風雨。

風旺四時

春旺東風。夏旺南風。秋旺西風。冬旺北風。

亢尾箕危昂井翼七宿臨朔日。此月必多風雨。執破值節令。必有風雨。

正月初三十七有觀燈送潮風。

二月初九有接客風。

有儿番花信風

二月三日有大風有清明風。

四月初八有浴佛風。

十八日有帶潮風

五月端午前後有刻船風。

二九前步有分龍風

六月十二有影連天忌風。

九月三日九日十三日二十三日有大風。

諺云

有前三三與後三三過此

之後遠地多寒北風當令雨雪頓仍海道難行不必詳註

凡茲海運起于三月朔止于九月望得天時氣候之正加一小
心方保無虞也。

海運水經

朝看東南黑

勢急午前雨

暮看西北黑

半夜看風雨

有

天頂早無雲 日出將漸明 西北暮無雲 明日更晴明
遊絲天外飛 久晴更可期 清朝起海雲 風雨霎時辰
風靜鬱蒸熱 雲雷必振烈 東風雲過西 雨下不移時
東風卯沒雲 雨下巳時辰 雲起南山暗 風雨辰時見
日出卯過雲 無雨必天陰 雲逐風雨疾 風雨霎時息
迎雲對風行 風雨轉時辰 日沒黑雲接 風雨不可說
雲布滿山低 連宵雨亂飛 雲從龍門起 颶風連急雨
西北黑風生 雷雨必聲訇 雲勢若魚鱗 來朝雨不輕
雲鈎午前排 風雨屬人情 夏雲鈎內出 秋風鈎背來

曉雲冬不慮 夜雨愁過西 雨陣雨雙煎 大廳連天惡
惡雲半開閉 大廳送風至 風息時靜默 亂雲天頂接
風雨來不少 風逐雨傾盆 雲過都晴了 紅雲日出生
勸君莫出行 紅雲日沒起 晴明不可許 右占雲
秋冬東南風 雨下不相逢 春夏西北風 下來雨不從
汎顛風不長 汎後風雨毒 春夏東南風 不必問天公
秋冬西北風 天光晴可喜 長夏風勢輕 舟船最可行
深秋風勢動 風勢浪未靜 夏雨連夜傾 不晝便晴明
雨過東風至 晚來越添巨 風雨潮相攻 颶風難將避

初三須有風

初四還可懼

望日二十三

颶風君可畏

七八必有風

示八字
可疑

汛頭有風至

春雪百二旬

有風君須記

二月雨多風

出門還可記

初八及十三

十九二十一

三月十八日

四月十八至

風雨帶大潮

傍船人難避

端午汛頭風

二九君還記

西北風大狂

回南必亂地

六月十一二

彭祖連天記

七月上旬來

爭秋莫船開

八月半旬時

隨潮不可移

右占風

六月十一二日彭祖忌連天之忌君須記

七月上旬爭秋風穩

泊河南莫開船

八月半旬潮候時爲險不可移

烏雲接日

雨卽傾滴

雲下日光

晴朗無防

早間日珥

狂風卽起

申後日珥

明日有雨

一珥單日

雨珥雙起

午前日暈

風起北方

午後日暈

風勢須防

暈開門處

風色不狂

早白暮赤

飛沙走石

日沒暗紅

無雨必風

朝日烘天

晴風必揚

朝日燭地

細雨必至

暮光燭天

日色連陰

日光精彩

久晴可待

日光早出

晴明必久

返照黃光

明日風狂

午後雲遮

夜雨霏霏

右占日

虹下雨垂

晴明可期

斷虹免見

不明天變

斷虹早掛

有風不怕

右占虹

曉霧卽收

晴天可求

霧收不起

細雨不止

三日霧濛

必起狂風

白虹下降

惡霧必散

右占霧

電光西南

明日炎炎

電光西北

雨下連宿

辰矚電光

大颶可期

早來無慮

遲則有危

電光亂明

無風雨晴

閃爍星光

星下風狂

夏風電下來

秋風對電起

右占電

螻蛄放洋

大風難當

兩日不至

三日無妨

滿海荒浪

雨驟風狂

大海無慮

至近無妨

金銀徧海

風雨立待

海泛沙塵

大風難禁

若近山岸

仔細思尋

烏鱗弄波

風雨必起

二日不來

三日難抵

水上鵝毛

風大難拋

東風可守

回南暫遛

白蝦弄波

風起便和

右占海

月上潮長

月沒潮漲

大汎潮光

小汎月上

水漲東北

東南旋漫

西南水回

便是水落

北海之潮

經日滔滔

高麗潮來

一日一遭

萊州洋水

南北長落

北來是長

南退方覺

揚子江內

糧舟之患

最怕船密

大風緊急

繫定且守

船走難纜

紐定必凶

直至沙岸

走花落可

神鬼驚散

要知可地

大洪泥硬

灘山一般

鐵可可障

海中泥濘

順拋木可

黑水洋深

接繳數尋

成山閒處

鳴鑼鼓地

磨斷棕毛

筏繳可拋

成山鐵山

萬丈深泉

武備志所載各月風候附

正月初三頭颶、初七八颶、十二三颶、十七八燒燈風、二十二三風、二十七八風、無雨風輕、立春過後、未驚蟄、先動雷、一月天門不開、日夜海上有風浪、驚蟄過後、雷動不妨、春雷起風雷、春颶雷先行、

二月初二三風、初七八風、十二三風、十七八風、二十二三風、二十七八風、春有雷電、海上有風浪、本月初二霧露生日、本日若重、一年俱重、如輕則輕、

三月初三除颶風、清明日主有大風、本月二十一日立夏、如發北風、准有二十日北風、如南風、天定也、此句說未足

四月夏雷壓三風、前立春日、過後下雪、一百二十日、雪子風、正月初八日、下雨風輕、清明風重、

五月初八日夏至發北風、重梅雨、本日晴明、俱是南風、黃魚從南來、北風吹散魚頭、羊日無魚、此段有錯落

六月十二彭祖忌、有大風、前三後四、初十起、十五止、此幾日內發風、俱作風忌、六月有日、七月有半、六月十二無風、七月十

五亦無風、六月有日句不可解

七月立秋日起五十二、以下句缺少多半行起歷天定立秋掛蠶三日、過有大風、七日過有風、則輕無掛、蠶過無風、

八月起後、早西風、晚東風、天定了、本月二十七日、主有大風、
九月初九日定颶風、當日發風、准定本日不發、不一二日必發、
十二三風、十七八風、二十二三風、二十七八風、
十月初二三風、初七八風、十二三風、十七八風、廿四、五有大風、
十一月初二三風、初七八風、十二三風、十七八風、二十、二十三風、
二十七八風、

以下缺十二月

占歲諺言

立春看菜菓 雨水看棉花 清明定秬穀 穀雨定桑麻

小滿看二麥 夏至看豆花 木金收一半 水火不歸家
若逢戊己土 豐收必倍加

又云

夏至遇端陽 麥貴比金黃
芒種遇端陽 麥賤滿千倉